

amatōres boni communis, illudque in omnibus consultationibus prae oculis habeant.

3. Cum Abbas illis auditis aliquid statuerit, iudicium suum illius iudicio submittent. Neque extra consultationem, aut quid statutum fuerit, sibi displicere: aut se in alia fuisse sententia, significabunt; sed laudent potius Abbatis consilium apud alios, atque tueantur. Quod si ob rei gravitatem ad Abbatem Generalem id esse deferendum iudicarent, re mature considerata, & oratione praemissa, faciant.

4. Si quid tamen in mentem venerit, quod ad commune bonum, vel alicujus personae particularis utilitatem pertineat, poterunt id Abbati proponere.

5. Si quid circa victum, vestitum, labores, & occupationes Monachorum, aut circa gubernationem Abbatis, moderandum, augendum vel mutandum censerent, illum praemissa oratione admonendum curent: quod per Admonitorem faciant.

6. Si quis cum eis de difficultate aliqua sua aut perturbatione agat, ita eum suis monitis & consilio juvare studeant, ut semper, quantum possint, existimationem Abbatis tueantur.

7. Ita suum munus exequantur, ut nullam gubernationis partem sibi assumant: atque ea submissione se gerant, ut ceteris obedientiae exemplum praebant.

8. Singuli Consultores bis in anno ad Abbatem Generalem, aut Provinciae, de statu Monasterii, & si quid esset corrigendum aut mutandum, eidem exponant; atque haec litera, a Seniore inter eos ob signata, mittantur.

9. In Monasteriis frequentioribus poterit unus ex Consultoribus designari ab ipso Abbate, qui Admonitoris nomen habebit: Eiusque officium erit, admonere Abbatem de iis, quae Consultores ei dicenda iudicaverint. De aliis vero, quae sive ipsi in mentem venerint, sive ab aliis Monachis suggererentur, non facile eum admonerit; sed de iis dumtaxat, quae non levis momenti post orationem esse censuerit, sive ad officium Abbatis pertinebant; Et quorum Abbatem admonuerit, meminert, ea tacitus apud se servare.

## C A P. X.

## De Praedicatoribus.

1. Eligantur ab Abbate Generali, vel ab Abbate Provinciae, in singulis Monasteriis duo saltem graves, & docti Monachi, qui admittendos ad Praedicationem Verbi Dei, vel ad audiendas confessiones, etiam ipsorum Monachorum, ac Magistros publicos, & promovendos ad quoscumque Ordines, diligenter simul examinent, antequam probentur, & ad huiusmodi ministeria vel Ordines admittantur.

2. Qui ad Praedicationis officium admissi sunt, debent primo Sacram Scripturam semper prae manibus habere, legere, & quoad fieri poterit, quotidie aliquid memoriae mandare. Legant etiam expositiones Patrum in utrumque Testamentum, Vitas Sanctorum, Histo-

riam Ecclesiasticam, opera aeternica Patrum; conciones, homilias doctorum Virorum, & alia similia, quibus evolvendis residuum temporis, quod ab Officio Divino, aliisque spiritualibus & corporalibus exercitiis remanserit, impendant. Deinde nunquam sine praeparatione concionem faciant, sed illam prius scripturae commendent, & sedulo memoriae tradant.

3. Extra Monasterium nemini Monachorum fas erit concionari, aut docere, aut confessiones audire, sine expressa Episcopi Ordinarium licentia. Cum vero ad aliquod Oppidum vocati fuerint, dabunt operam, ut primo Episcopi Chorepiscopi aut Parochi benevolentiam sibi comparent, deinde caveant discursum per domos, sed in aedes alicujus pii & exemplaris Ecclesiastici se recipiant, ibique paupertatem religiosam in cibo, potu, & ceteris omnibus servant, modestiae & gravitati conjunctam.

4. Media autem spiritualia, quibus juxta nostrum Institutum, & Abbatis beneplacitum uti poterunt, haec fere sunt: Ministerium. Verbi Dei in praedicationibus, privatisque exhortationibus & colloquiis: Sacramentorum Confessionis & Eucharistiae administratio: Exercitiorum Spiritualium traditio: Dissidentium reconciliatio: Casuum Conscientiae & sacrorum Rituum ad Ecclesiasticos privata explicatio: Christianae Doctrinae ad Pueros, aliosque rudes publica declaratio.

## C A P. XI.

## De Praefecto Rerum Spiritualium.

1. In omnibus Monasteriis designandus erit Praefectus rerum Spiritualium, cuius munus sit, confessiones Monachorum excipere, eorumque profectum in spiritu promovere.

2. Cognitionem itaque Instituti habeat, & zelum boni progressus Fratrum, quem procurare debet verbo & exemplo. Amabilem praeterea se eis exhibeat, ut ad eum omnes confugiant, confidenterque sua omnia detegant, & ab eo consolationem & auxilium sperent in Domino.

3. Instruat Monachos privatim secundum uniuscujusque captum, praesertim, ut puram intentionem divini servitii habeant, & familiaritatem cum Deo in spiritualibus devotio- nis exercitiis.

4. Petat, quem procedendi modum in oratione habeant: & an contra suos defectus examen particulare observent: & an contra inordinatos affectus propria remedia adhibeant: & in solidis virtutibus acquirendis, praesertim obedientia, amore Dei & proximi, quibus utantur mediis: & de poenitentis & aliis pietatis exercitationibus.

5. Versatum eum oportet esse in lectione librorum spiritualium, & unicuique decernat tempus & modum cum fructu eos legendi.

6. Peculiarem curam habeat consolandi afflictos, & tepidos exhortandi, remedia pro cuiusque necessitate adhibendo, qualia sunt frequen-

frequentius Confessionis & Eucharistiae Sacramenta obire: plus temporis orationi impendere: plus aliquid poenitentiae assumere: libros aliquos spirituales legere, & similia. Praecipuam vero curam adhibeat circa Monachos Laicos, novos praesertim & infirmiores, ut quieti sint, & forte Marthae contentis dirigatque eos, ubi opus fuerit. Praeter eos vero, quos satis instructos Abbas iudicaverit, eum unoquoque agere de his ultra mentem non differat. Saepo vero consideret, quem fructum bonorum operum ex oratione & meditatione, & ex reliquis rebus spiritualibus colligant, ut in dies magis in Domino proficiant.

7. In his omnibus videat, ne ordo unicuique praescriptus impediatur, nisi cum Abbas aliter iudicaverit.

8. Curam habeat Novitiorum, si qui in Monasterio fuerint, nisi ab Abbate aliunde profectum sit: Et erga eos observare studeat, quae juxta regulas Magistrum Novitiorum observari commode poterunt.

9. Confessiones Monachorum audiet: Et si Abbas iudicaverit, eidem alium vel alios adungere, poterit non autem plures quam quatuor, & quidem in frequentioribus Monasteriis tantum.

## C A P. XII.

## De Praefecto Ecclesiae.

1. Praefectus Ecclesiae ab Abbate constituitur, cuius officium est res Ecclesiae & Chori custodire & curare, ut Divina Officia suo tempore decenter ac debite fiant.

2. In primis habebit Inventarium rerum omnium, ad Ecclesiam & Chorum spectantium, tam in libris quam in sacris Vestibus & Vasis, aliisque, cuius Inventarii duo exempla erunt, alterum penes ipsum, alterum in Archivio Monasterii, in quo scripturae & instrumenta aservantur. Et quando novus Ecclesiae Praefectus instituitur, coram Abbate & Oeconomio rationem rerum omnium juxta inventarium exiget a Praedecessore.

3. Librum etiam habeat dati & accepti pro Ecclesiae expensis, ut rationem Abbati unoquoque mense reddere possit.

4. Eleemosynas quocumque modo obvenientes, & pecunias pro mantentione Ecclesiae collectas, apud Oeconomum deponat, ut in arca reponantur, cuius clavem unam habeat Abbas, alteram ipse Oeconomus. Quae vero pro Missis celebrandis oblatae fuerint, diligenter describat in tabella Sacristiae, ut Missae dicantur secundum intentionem Benefactorum: & notetur in libro, quo die, & a quo Sacerdote earumdem oneri fuerit satisfactum.

5. Satagat, ut necessaria ad divinum cultum non desint, ut Altaria sint munda & bene praeparata, atque ut vasa Sacra, ornamenta, libri, & caetera omnia in suis locis apte reponantur & conserventur. Panni omnes linei semper mundi servantur, & separatim corporalia & purificatoria laventur. Saepo etiam res pretiosiores visitet, ne aut

ledantur aut amittantur: Templi, paramentorum, librorum, instaurationes curet, sicut ab Abbate fuerit praescriptum. Nihil vero eorum extrahere e Monasterio, aut cuiquam alteri Ecclesiae vel Monasterio, etiam nostrae Congregationis, commodare poterit sine Congregationis Monachorum licentia.

6. Det operam, ut nullo modo lumen desit ante Sanctissimum Eucharistiae Sacramentum, neque interdiu neque noctu, ubi illud aservari contigerit. Oleum Sanctum, ut oportet, aservatum, singulis annis renovandum curet: Et Sanctorum Reliquias in Vasculo, ad id deputato, decenter custodiat. Si quando autem devotionis causa ostendenda erunt, duo cerei accendantur.

7. Curet, ut hostiae munda sint, & in vase decenti repositae: Item vinum, quod ad Sacrificium paratur, sit bonum & incrum, eoque ipso die haustum: Similiter & aqua & ampulla sint munda, & thuribula identidem a fulgine extergat.

8. Qualibet hebdomada Catalogum conficiat, quo dies Festi ac Jesuniorum proxima hebdomadae describantur, & horae Missarum inter Sacerdotes distribuuntur: Vices quoque Hebdomadariorum Ministrorumque, tam in Divinis Officiis quam in Missa solemniter celebranda notentur. Eum porro Catalogum, ab Abbate seu ejus Vicario approbatum, in loco patenti affigat, aut in Refectorio recitandum curet in prandio sabbati. Det autem operam, ne plura simul Sacra inchoentur, sed commode omnia iuis spatiis distinguantur: Curamque gerat Missarum perpetuarum, quae pro Benefactoribus annuatim celebrandae sunt, easque referat in tabellam, quae appendenda erit in Sacristia; ubi & in alia tabella notari debent Casus Superioribus reservati: Et Indulgentiae, si quae sint concessae.

9. Ante Missas & Psalmodiam Chori, signa ipse pulsabit: Quod etiam faciet, cum primum quis ex Fratribus vita functus fuerit, ut omnes ejus animam commendent: Lumina tam in Choro quam in Dormitorio Fratrum accendet.

10. Per se vel per alium, ab Abbate designatum, promovendos ad Sacerdotium instrui curet, & videat, an omnes observent statutas caeremonias. Si quem defectum animadvertit, ad Abbatem referat, vel ipse emendet. Notet etiam qualibet die nomina Sacerdotum celebrantium, ut id Abbati aut Vicario referat.

11. Externos Sacerdotes ad Sacrum faciendum non admittat, nisi intelligat, eos a legitimis Superioribus habere facultatem: cuius testes Ordinarii literas cum ii exhibuerint, humanissime illos excipiet, & distinctis etiam pro uniuscujusque dignitate paramentis indui curet. Seculares quoque ad Ecclesiam nostram adventantes benigne tractet.

12. Habeat sibi subiectum reddituum Monachum, maxime in frequentioribus Monasteriis, cui vices suas in rebus minoris momenti committet, dum ipse in gravioribus occupatur.

## C A P. XIII.

*De Præfeto Bibliotheca.*

1. In majoribus Monasteriis designandus erit Monachus Sacerdos, qui librorum curam habeat.
2. Omnium itaque librorum Monasterii Catalogum describat; utque libri unius Monasterii ab aliis distinguantur, in primo cuiusvis libri folio hæc verba notet: *Hic liber est Monasterii N. Ordinis S. Antonii Congregationis Montis Libani.*
3. Nullum librum ex Bibliotheca cuiuspiam Monachorum dabit sine Abbatis licentia, neque externo cuiquam sine licentia Congregationis Monachorum; & advertat, ne quis librum, etiam cum licentia, se infcio accipiat. Fratres autem, quibus librum aliquem tradet, propria manu scribant in Codice, quo die & quem librum acceperint; Cumque illum restituerint, notam deleant, aut e regione restitutio eius notetur. Quod si externis librum ex licentia, ut supra, dederit, ipse Bibliothecarius in Codice notabit diem, personam, & tempus, quo liber sit restitendus.
4. Monachos ad Bibliothecam non admittat sine licentia; multo minus externos.
5. Abbatem moneat, si quos libros pro Monasterio necesse sit comparare. Nullum autem librum donare, vendere, alienare, vel oppignorare poterit sine expressa Congregationis Monachorum licentia.
6. Curet, ut Bibliotheca munda sit, & composita, quam semel in hebdomada verret, & ex libris pulverem excutiet. Caveat etiam, ne libri humiditate aut alia re ledantur.
7. Semel in anno librorum rationem dabit Abbati juxta Inventarium Bibliothecæ: Quod & præstabit cum alter in eius locum, succedet.

## C A P. XIV.

*De Socio, & Sigillo Abbatis Generalis, Hegumenorum, & Abbatis Provinciae, atque Canobiarcho.*

1. Abbas Generalis, Hegumeni, & Abbates Provinciae, ac Monasterii, deligant sibi ex Monachis professis Socium, qui Secretarii munus geret, ipsosque in literis scribendis adjuvet, exeuntesque e Monasterio comitentur.
2. Unusquisque ex dictis Abbatibus & Hegumenis sigillum proprium habeat, quod in Cella sua diligenter custodiat cum Imagine, si fieri potest Sancti, Patris Antonii Magni, aut emblemate Montis Libani, & cum inscriptione officii, quo unusquisque fungitur: videlicet Sigillum Abbatis Generalis Ordinis S. Antonii Congregationis Montis Libani: Sigillum primi, vel secundi, vel tertii, vel quarti Hegumeni Ordinis S. Antonii Congregationis Montis Libani: Sigillum Provinciae N. Ordinis Sancti Antonii Congregatio-

nis Montis Libani: Sigillum Monasterii N. Ordinis S. Antonii Congregationis, Montis Libani. Idque duplex sit, alterum majus, cujus usus erit in rebus magni momenti, & alterum minus, quo in rebus communibus utentur.

3. Nullus Monachus literas suas alio Sigillo firmabit, quam Abbatis Monasterii.
4. Ad officium Socii & Secretarii electus, quæcumque audierit, legerit, aut scripserit, debet profundo silentio celare: nec nisi urgente necessitate a communibus Monasterii officiis vacare.

## C A P. XV.

*De Infirmario.*

1. In singulis Monasteriis constituendus erit Infirmarius, vir pius & patiens, qui curam habeat Infirmorum; quorum ægritudo simul atque ei indicata fuerit, si censuerit rem esse alicujus momenti Abbatem aut Vicarium admonere.
2. Studeat, ut quæ ægotanti danda sunt, ea & opportune emantur, & bona sint, & bene præparata ministrantur.
3. Curet, ut Ægrotorum cubacula sint valde munda, & lecti concinne sternantur.
4. Ægotum consolari & exhilarare studeat verbis spiritualibus & lætis. Habeat etiam libros, quorum lectione Ægoti recreari & juvari in spiritu possint.
5. Quæcumque Ægotantium usui necessaria esse judicabit, habere curet, & in loco convenienti custodire.
6. A Medico præscripta exacte servet, Dies ægotationis, & horam febris advertat, tum ut Medicum & Superiorem admonere, tum ut cibum tempestive præbeat.
7. Si morbus sit contagiosus, supellex separari debet, ne cuiquam noceat.
8. Convalescentes e lecto surgere non permittat, priusquam id Medicus concesserit.
9. Patientiæ & charitatis erga Ægotos meminerit; Quare curabit, ne debita ministeria Ægotis desint.
10. Morbo ingravescente, Abbatem moneat, ut Ægotus antequam iudicii usu privetur, omnia Sacramenta accipiat. Quod si Ægotus diu, licet sine periculo, decumbat, curet, ut octavo quoque die communicet, nisi aliqua ratio, iudicio Abbatis, impediat.
11. Instante mortis articulo, sive proximo periculo, Abbatem admonere, ut orationibus omnium Fratrum valde peculiaribus Infirmum juvari faciat; atque eo magis, quo morti propinquior viderit, & ut morientis quo plures poterunt ex Fratribus adfuerint, qui convenientibus illi articulo auxiliis moribundum juvent. Et cum primum vita functus fuerit, Præfectum Ecclesiæ seu æditum admonere, ut consuetum signum pulset.
12. Provideat, ut mortuorum Fratrum corpora ad sepulturam præparentur, & ut spatium unius diei naturalis decenter super terram teneantur.
13. Non Infirmis tantum proficit, ut dictum

est, sed sanorum etiam curam gerat in iis, quæ ad sanitatem conservandam spectant. Quare ejus munus est observare, num quis ex nimia fatigatione corporis aut spiritus plus æquo laboret, vel alia de causa morbi periculo se exponat; Et si in cibis, aere, frigore, aut alia quapiam in re aliquid probabili ratione animadvertat, quod communi omnium vel alicujus salutis obesse possit, Abbatem admonere.

## C A P. XVI.

*De Janitore.*

1. Monasterium perpetuo sit clausum, clavisque in porta ne relinquantur; ac propterea Janitor ab Abbate constituatur Monachus mansuetus humilis patiens & sedulus, qui Januæ custodiendæ semper assistat, eamque nemini Monachorum aperiat, nisi Socium, & exeundi licentiam obtinerit. Nullus autem e Monasterio egrediatur, nisi cum Socio, licentiaque petita ac impetrata, & benedictione accepta ab Abbate seu ejus Vicario, aut in horum absentia ab antiquiore, ex professis.
2. Vocantibus, & Monasterii Januam pulsantibus, cito adsit, & respondeat: Non tamen prius Portam aperiat, quam per fenestram videat qualitatem personæ advenientis: Quæ si ejus conditionis fuerit, ut paucis verbis expediatur, quin Porta aperiat, id faciat cum omni humanitate. Si vero fuerit persona gravis aut religiosa, Portam aperiat, interroget quid velit, ad locum honestum ad id destinatum intromittat, & sine mora significet Abbati.
3. Neminem Monachorum sine facultate Abbatis ad Januam vocet; nec, nisi urgente necessitate, Janitor licentiam pro illo vocando ab Abbate petat, aut Abbas illam det, cum tempus est Divini Officii in Choro, Prandii, Cœnæ, Silentii, aut Congregationis. Nec facile idem Abbas licentiam dabit introducendi seculares in claustra Monasterii, & multo minus in Dormitorium Fratrum, nisi sint magni Viri aut Prælati.
4. Monasterii Portas ante noctem claudat Janitor. Exinde vero eas nullius causa, aperiat inconsulto Abbate; & antequam cubitum eat, claves eidem tradens, si quis foris maneat, illi renunciabit. Abbas vero aut Vicarius quandoque de nocte eas observent.
5. Literas omnes & Schedulas, & quæcumque alia Domesticis mittuntur, Abbati reddat, ut ea videat: & ad eos, ad quos diriguntur, si velit, transmittat. Caveat etiam, ne alicujus Domestici literas, aut quid simile, externis det injussu Abbatis.
6. Nihil custodiendum a quopiam externo recipiat, Abbate inconsulto.
7. Si pauperes ad Januam elemosinæ causa accedere contingat, cum iisdem benigne se habeat, & sedulo quærat, quid eis erogari possit juxta Abbatis arbitrium.
8. Mulieres, si quando ad ostium accedant, paucis verbis dimittat: Aut si pluribus opus esse videretur, in Ecclesiam, si extra Mo-

nasterii Claustrum sit, ad æditum eas mittat, ubi ipsis responderi poterit: aut æditum, seu Abbatem vocet, ut earum negotia expediant, prout res postulaverit.

9. Si quis elemosinam ad Januam dabit, eam Oeconomo statim tradet.
10. Loca Portæ vicina munda servet, & ut juxta Januam omnes submissa voce loquantur, curet.
11. Ut Janitor ad Portam sollicitus assistere possit, primo post perfolutas Matutinas horas, Sacrificio intersit. Cum autem cibum sumit, aut in aliquo ministerio intra vel extra Monasterium occupatur, alius ab Abbate seu Vicario ad custodiam Portæ destinatur.

## C A P. XVII.

*De Custode Vestium.*

1. Servare debet omnem suppellectilem sive lineam sive laneam, & quidquid ad indumenta, & ubi opus fuerit, etiam ad calceamenta attinet; quæ diligentia cura, ut res Pauperum Christi, custodiet in loco ad id designato.
2. Inventarium rerum, quas ipse custodit, si alicujus momenti sint, in libro habeat: Et seorsim scribat, quæ de novo fiant, ut Abbati sui muneris rationem reddere queat.
3. Vestes ordine dispositas servet; ne corumpantur, videat; & refarciendas etiam curet. Quas vero non amplius usui Fratrum futuras judicabit, eas Abbati ostendat, ut ille de iis statuatur.
4. Quæ singuli Novitii ad Monasteria attulerint, ea alicubi separatim asservet, donec professionem emittant.
5. Singulis mensibus Cellas visitabit, ut ex Abbatis arbitrio, si quid eis desit, suppleri possit. Si quid etiam superfluum invenerit, vestes duplices, instrumenta itineris, & similia, in Vestiaria officina custodiantur.
6. Inspiciat etiam, quinam vestibus indigeant, ut Abbati referat; Eo vero inconsulto nihil cuiquam dabit.
7. Linei panni lotori, sive externus ille sit, sive domesticus, scripto numero dentur, & accipiantur.
8. Tunice singulorum, quæ staturæ induentium convenire debent, signis particularibus internoscantur, ne eas permisceri contingat.
9. Sabbati vespere linea munda per omnes Cellas distribuat: Dominica vero die mane ex eisdem Cellis immunda colligat; Et an omnia, quæ dederat, recipiat, animadvertat.

## C A P. XVIII.

*De Cellerario.*

1. Custodiendis in Monasterii Cellario Victualibus ab Abbate Cellerarius deputetur, vir sobrius, & non prodigus; Idemque curam habeat omnium eorum, quæ ad cibum & potum spectant, singula in locis suis reposta & clausa servans.

2. In rebus distribuendis iussum Abbatis sequatur; Et quamvis communiter æqualitatem inter omnes servare debet, habeat tamen infirmorum, convalescentium, eorumque, qui laboriosiora opera exercent, rationem, prout ei fuerit ab Abbate præscriptum, sine cuius arbitrio neque jentaculum neque aliud quidpiam ulli concedet.

3. Antequam penitus absumantur victualia, quæ in Monasterio reconduntur, Abbatem admoveat, ut tempestive per Oeconomum providere possit.

4. Curet munditiam tam Cellarii quam Refectorii, eorumque omnium, quæ ejus usus serviunt, utque mensæ rebus necessariis paratæ sint, cum refectiois signum dabitur.

5. Catalogum habeat rerum, quæ ad Cellarium & ad Refectorium pertinent: Alterum etiam eorum, quæ per hebdomadas aut menses debent Fratribus ministrare tam in cibo quam in potu: Tertium denique eorum, qui mensæ ministraturi sunt.

6. Quæ ex mensa supersunt, colliget, atque coquo tradet, qui illa conservabit memor paupertatis, ut & domesticis & externis pauperibus usui esse possint juxta præscriptum Abbatis.

C A P. XIX.

De Coquo.

1. In iis omnibus, quæ ad suum munus pertinent, munditiam servet ipse, & ab aliis servandam curet: detque operam, ut omnia recte & opportune parentur, ea præsertim, quæ ad ægrotos pertinent.

2. Semihora, aut saltem quarta horæ parte, antequam in mensa sit sedendum, præparati omnes cibi esse debent.

3. Circa qualitatem & quantitatem, ordinem ab Abbate præscriptum sequatur.

4. Coquere, aut aliud quidpiam pro aliquo particulari parare, Infirmario tantum excepto, neminem sinat; neque ipse faciat sine Abbatis facultate.

5. Scriptum in codice habeat Catalogum rerum, quarum est usus in coquina, quas ipse servare debet.

6. Diligentiam in rebus, quas consumit, adhibebit, ne quid non necessarium infumatur contra paupertatem religiosam.

7. Si quem adiutorem haberet, satagat, ut cum verbo & exemplo ædificet, præsertim Novitios.

C A P. XX.

De Hebdomadario Chori & Mensæ.

1. Præfectus Ecclesiæ singulis hebdomadis duos Catalogos faciat, quorum primo per turnum Sacerdotum notetur Hebdomadarius Chori, altero per turnum Monachorum omnium, qui legere norunt, notetur Hebdomadarius Mensæ.

2. Officium Hebdomadarii Chori est, Divinum Officium & Missam Cantare, Offi-

cium autem Hebdomadarii Mensæ est libros ad mensam legere: Ab utroque officio eximitur Abbas Monasterii.

3. Hebdomadarius Chori primus ingrediatur Chorum, & ultimus inde exeat; Curetque, ne in Officio Divino tam in Choro quam ad Altare errores aliquos admittat, sed antea prævideat omnia officia, orationes, lectiones, & his similia; nec memorie suæ confidat, sed omnia ex codice, quoad fieri poterit, recitet. In dextera Chori parte Abbas ejusque Vicarius præsidebit, in sinistra Hebdomadarius, qui præsentem Abbatem neque officium inchoabit, neque absolutionem dicet, eo autem absente totum officium inchoabit & terminabit, etiam præsentem Abbatis Vicario.

4. Hebdomadarius mensæ libros pro lectione ante mensam apertos habeat; & quando leget, attendat, in quo emendetur ab Abbate aut Vicario; & emendatus, assurgat cum humilitate, & repetat, prout emendatus fuerit. Ad signum Abbatis aut Vicarii finiet lectionem. Libri autem, qui legentur sunt; Sacra Scriptura, Vitæ Sanctorum, Historia Ecclesiastica, & opera ascetica, quæ ab Abbate assignari debent, servato ordine, ut primum legantur aliquot versiculi ex Scriptura, deinde succedat lectio ex Vitis Sanctorum, aut ex Historia ecclesiastica, & concludatur lectione alicujus tractatus ascetici.

P A R S Q U A R T A.

C A P. I.

De Congregatione Generali.

1. Congregatio Generalis de triennio in triennium celebretur: nisi forte ob aliquam urgentem necessitatem esset anticipandum, tempus, aut prorogandum ex decreto Congregationis Hegumenorum, quod debet opportune toti Ordini significari. Casus autem, ob quos Congregatio Generalis prorogari vel anticipari potest, sunt: Primò, mors Abbatis Generalis, aut ejus ad altiore dignitatem promotio, aut quando de ejusdem depositione, suspensione, vel publica reprehensione agendum sit, ut dictum est supra parte 3. cap. 4. num. 2. Deinde publica rerum regionumque perturbatio ob pestem vel bellum, aut propter persecutionem infidelium, vel hæreticorum, & schismaticorum, aut communem totius Ordinis, vel principalium potiorumque Monasteriorum necessitatem, quæ judicio Congregationis Hegumenorum urgens visa fuerit; in quo nihilominus casu significandum id erit Abbatibus Monasteriorum.

2. Penes Abbatem Generalem est Congregationem indicere, eique præsidere usque ad iuccessoris electionem. Si vero ipse mortuus fuerit, aut promotus, aut de ipsius causa consultandum sit; tunc ad Hegumenos spectabit illam indicere, eique præsidere usque ad novi Abbatis Generalis electionem, aut veteris probatam innocentiam: servata semper Vicarii Generalis inter Hegumenos præ-

Congreg. Gen. neralis quilibet celebranda triennio.

Casus prorogationis.

Mortuo Abbate ad Hegumenos spectat Congregatio Generalis indicere.

minentia, ut dictum est alibi. Vivente tamen Abbate generali, etiam quando de ipsius causa agendum est, in literis, in quibus ab Hegumenis Congregatio indicetur, nomen ejusdem Abbatis præponatur nominibus Hegumenorum.

3. Duobus saltem mensibus ante diem, quo celebranda erit Congregatio, indicatur per encyclicas epistolas, ab Abbate generali & Hegumenis subscriptas, & ad omnia nostri Ordinis Monasteria missas. Si quod vero Monasterium longius distet, tot mensibus ante indicenda erit, quot sufficere videbuntur judicio Hegumenorum. Dies autem, Congregationi celebranda destinari solita, est decima Novembris, qua Ordinis nostri Congregatio instituta fuit.

4. Ad Congregationem generalem vocandi erunt, eique interesse, & in ea vocem habere poterunt, præter Abbatem Generalem & quatuor Hegumenos eorumque Vicarios, (si qui ante electi fuerant) Abbates omnes tam Provinciarum quam Monasteriorum, & cum unoquoque Abbate Socius a Congregatione Monachorum illius Monasterii electus: Quotquot præterea officio Abbatis Generalis vel Hegumenorum functi sunt, modo non fuerint ob defectus aliquos depositi, Iis autem unumquodque Monasterium de necessario viatico providebit tam in eundo quam in redeundo: ob quem finem a primoribus tum Ecclesiasticis tum Sæcularibus illius Provinciae, Abbates elemosynam colligant, & eam secum deferant.

5. Si quis Abbas, vel officio Abbatis Generalis aut Hegumeni defunctus, ob legitimum impedimentum, a Congregatione Monachorum probandum, per se ipsum adesse, nequiverit, mittat Monachum idoneum, qui vices suas in Congregatione Generali suppleat, habeatque locum in Congregatione, tamquam absentis Procurator. Qui vero propter contumaciam vel inanes causas adesse, neglexerit, cognita & declarata ejus causa, in Congregatione generali, excommunicetur, & Monachi ab ejus obedientia absolvantur. Socii autem Abbatum, qui in Congregatione Monachorum electi fuerint, neminem possunt sibi substituere, nec suæ electioni renunciare.

6. Nemo in Congregatione generali vocem habeat, nisi sex annos in Ordine compleverit, inchoando ab annis probationis, & nisi triginta annos ætatis saltem inchoatos habeat. Item nemo in Monasterium, ad celebrandam Congregationem destinatum, intret, nisi tribus diebus, antequam inchoanda sit Congregatio: Exceptis iis, qui ex longinqua regione per mare veniunt. Qui ad Congregationem venerint sine licentia, per totum tempus, quo Congregatio durabit, detineantur in loco poenitentiae: Congregatione autem terminata decernat de eis Congregatio Hegumenorum. Si quis vero querelas habeat ad Congregationem deferendas, mittat eas cum Abbate vel ejus Socio, propria manu subscriptas.

7. Unusquisque Abbas ad Congregationem veniens, aut Vicarium suum mittens, de-

bet asserre secum, vel cum Vicario mittere: I. Sigillum Monasterii: II. Catalogum, in quo descriptus sit numerus Monachorum vivorum, & quot defuncti sunt post ultimam Congregationem, & quot recepti: III. Rationem dati & accepti toto regiminis sui tempore. Socius vero Abbatis debet secum asserre: I. Literas Monachorum de sua deputatione: II. Querelas eorumdem, si quæ erunt.

8. Abbas Generalis, vel, eo absente, Hegumeni, opportuno tempore provideant de rebus ad celebrandam Congregationem necessariis. Quare I. Abbatem Monasterii, in quo Congregatio celebranda est, vel eo absente Monachum alium constituent, qui Oeconomi Congregationis Generalis nomen gerat; curetque, ut locus Congregationi opportunus præparetur, utque ad sint victualia, lecti, & quæcumque ad receptionem Monachorum hospitum necessaria sunt. II. Deputent duos saltem Confessarios cum facultatibus opportunis, necnon unum Scribam Congregationis, qui suffragia notabit, & literas ad Congregationem directas coram omnibus leget; Unum præterea Aedituum, qui curam habeat sacelli, ubi Congregatio fiet, & unum Janitorem, qui portas Congregationis observabit. Hi vero omnes, præter Abbatem supradictum, idest, Confessarii, Scriba, Aedituus & Janitor, debent esse ex eorum numero, qui suffragia non habent in Congregatione. Reliqua autem Cænobii ministeria tam in Ecclesia quam in Choro & Refectorio per ejusdem Cænobii Monachos diligenter obeantur, ne Congregationis prætextu quidquam ex regulari disciplina omittatur.

9. Cum dies assignata advenerit, non obstante cujuscumque absentia, Congregatio incipiatur. Cognitores autem suffragiorum sunt: I. Abbas Generalis: II. Quatuor Hegumeni: III. Duo ex Monachis Congregationis a communitate Vocalium electi, in quorum tamen electione neque Abbas generalis, neque Hegumeni vocem habebunt.

10. Congregatio Generalis per septem dies durabit. Singulis autem diebus post cantata Divina Officia, & celebrata sacram Liturgiam, scrutinium fiet, cui præmittitur sermo pareneticus ab Abbate generali, aut alio quopiam ad conventum Monachorum per semihoram.

11. In primo triduo, Ordinis statum examinent seduloque explorent, si quid suppleendum aut refecandum sit; Singulisque permittitur, quodcumque apud se statuerint, suggerere Abbati generali, aut Hegumenis, qui Monachorum suggestiones in commentarium relatas coram Congregatione recitabunt. Interim Hegumeni jussu Abbatis generalis a Monasteriorum Abbatibus statum & rationes exigant singulorum Monasteriorum: easque, in Tabularium totius Ordinis referendas, eidem generali Abbati exhibeant. Quarta die proceditur ad electionem Abbatis generalis & Hegumenorum, ut infra; Si autem non ob electionem Superiorum, sed ob aliam causam coacta fuerit Congregatio, de illa tractabitur. Tribus postremis diebus Monachorum

De indictione Congr. Gen.

Qui sint vocandi ad Congregat.

Legitime impetiri aliam sua vice mittant.

Qui vocem in Congregatione, habere nequeant.

Quæ ab Abbatibus asserenda sint.

De Oeconomo Congregat. Gen.

Ceterisque Ministri.

De suffragiorum Cognitoribus.

De tempore durationis Congr. Gen.

Quid eo agendum sit tempore.

causa finiantur, eorumque postulatis satisfiat: & si quid contra Regulam, Constitutiones, vel consuetudines Ordinis peccatum est, corrigatur.

12. Septimo die, postquam Congregatio terminata est, dato signo a Generali Abbate, aperiat porta, itaut etiam non vocales adesse possint, & audire. Tum a Scriba Congregationis legatur: I. Tabula novorum Officialium, a tota Congregatione sive ab Abbate Generali & Hegumenis electorum: necnon Monachorum ad Monasteria, quae idem Abbas generalis designaverit, mittendorum. II. Constitutiones, si quae fuerint a Congregatione sancitae. III. Recitentur nomina Monachorum omnium ab ultima Congregatione defunctorum, ut pro iis omnibus una Missa solemnis celebretur. IV. Recenseantur etiam nomina insigniorum Benefactorum, simulque omnes moneantur, ut pro iis Sacerdotes quidem unam Missam celebrent, Laici vero dicant quinquaginta Pater noster & Ave Maria. V. Abbas generalis faciat absolutionem generalem: & sic Congregationem dimittat.

13. Dimissa Congregatione Generali, una cum Hegumenis faciat Congregationem Hegumenorum; & primo quidem eligantur Abbates Provinciarum, & Monasteriorum, singulisque Patentes literae tradantur, ut ad officia sua abeant.

14. Forma literarum Congregationis Monachorum, cum mittunt ad Congregationem Generalem unam cum Abbate Monasterii, seu Provinciae, Socium ab ipsis electum.

Reverendissimi PP. Notum facimus vobis, Congregationem nostram, habitam in Monasterio N. die N. mense N. anno N. communi consilio elegisse Reverendissimum Patrem N., ut nomine totius Monasterii vel Provinciae, una cum nostro Abbate ad Congregationem Generalem accedat. Quo circa tradimus ei potestatem agendi pro Nobis in Congregatione Generali omnia & singula, quae facere possemus, si praesentes essemus, ratum gratumque habituri, quidquid in eadem Congregatione factum fuerit. Datum in Monasterio N. anno N. mense N. Sigillum \* Monasterii. Et subscribent omnes iuxta ordinem suum.

15. Forma literarum Abbatis Provinciae vel Monasterii, cum mittit Vicarium vel Procuratorem ad Congregationem Generalem.

Reverendissimi Patres. Notum facio vobis, me, ob causam N. impeditum, elegisse, Reverendum Patrem N., ut tamquam meus Vicarius & Procurator ad Congregationem generalem accedat, eique sigillum & rationes officii mei tradidisse; necnon facultatem in Congregatione generali omnia & singula agendi, quae ego facere possem, si praesens essem: ratum gratumque habiturus, quidquid in eadem Congregatione factum fuerit. Datum in Monasterio N. anno N. mense N. die N. Sigillum \* Officii N. Abbas Provinciae vel Monasterii N.

## C A P. II.

De Electione Abbatis Generalis,  
& Hegumenorum.

1. Ante electionem legantur Constitutiones de requisitis eligendorum, deque eorum officio.

2. Nemo potest in Abbatem Generalem aut Hegumenum eligi, nisi compleverit annum aetatis trigessimum: & annum in nostro Ordine, octavum quidem Abbas generalis, sextum vero Hegumenus.

3. Electio nullo modo fiat per absentium, sed praesentium dumtaxat suffragia; & eaque secreta sint, non publicatis eligentium nominibus.

4. In loco pro electione deputato Aedituus Aram maximam, ubi Venerabile Eucharistiae Sacramentum in Ciborio conditum proficit, solemniore, quam in primo triduo Congregationis, ritu instruat. Super Altari ante Ciborium alta Crux collocetur, sex hinc inde accensis candelis. A dextris Crucis Evangeliorum Codex pretioso velo coopertus: A sinistris vero Imago, sive Reliquiae Sancti Patris nostri Antonii, & Codex Regulae cum Constitutionibus: Infra Altare ad latus dexterum ponatur mensa, iuxta quam affidebit Scriba seu Secretarius, qui, data servandi secreti fide, solus ex Patribus non vocalibus in Congregationem introducetur: Super mensam vas seu arcula collocetur, in quam ab Electoribus Schedules mittendae erunt: Sic autem fabricetur, ut demissa e superiori officio Schedules dilabi aut extrahi nequeant, donec functione peracta, legitime a Cognitoribus suffragiorum referretur: Alterum praeterea vas intra cancellos Altaris praeparetur aqua opplerum, in quod Schedules praedictae statim projiciantur.

5. Habeatur sermo paraneiticus ad Electores per semihoram de eligendo digniori Abbate Generali, dignioribusque Hegumenis: deque votorum renovatione praemitenda ab omnibus.

6. Absoluta paranesi, Abbas Generalis, & quatuor Hegumeni hinc inde ad dexteram levamque ipsius, ante partem mediam in genua procident: & pone hos Provinciarum Monasteriorumque Abbates: deinde reliqui Monachi secundum antiquitatem propriae professionis: postremo Scriba seu Secretarius, & Aedituus, & ad portam Janitor.

7. Sequatur Votorum renovatio, Abbate generali & Hegumenis praesentibus, deinde reliquis simul prosequentibus de verbo ad verbum & cum pausa, ut supra Part. 2. Cap. 11.

8. Abbas Generalis absoluta Votorum renovatione, Beatissima Virginis Mariae Litanias cum cantu inchoabit: quibus finitis, Fratres admoneat, ut praemissa contritionis actu intentionem pariter rectam habere studeant, simulque omnes dominicam orationem recitent, & Sanctissimae Trinitatis opem, necnon Deiparae, & Sancti Antonii intercessionem implorent. Mox assurgit ipse, & Fratribus

Requisita, ut quis in Abb. Gen. aut Hegumenum eligi queat.

Forma electionis.

tribus in genua adhuc provolutis generalem absolutionem pronunciat: Post universi e Templo egressi, ad ferenda suffragia accedant, si alibi electio facienda est: Si vero in eodem Templo, Aedituo foras egresso, porta clauditur, quam Janitor ab exteriori parte observabit.

9. Antequam ad novi Abbatis Generalis electionem procedatur, debet is, cujus officium expirat, sigillum & officium in manibus Hegumenorum resignare ac deponere, in haec verba:

Reverendi Patres: In manibus vestris resigno ac depono officium Abbatis generalis, quod mihi indigno Congregatio generalis commisit: simulque veniam peto de omnibus culpis, a me in eo commissis.

Hoc idem facere debet unusquisque Hegumenus coram electo Abbate generali, cum ad successoris sui electionem procedendum est, dicens:

Reverendissime Pater: In manibus vestris resigno ac depono officium Hegumeni, quod mihi indigno commissum est, simulque veniam peto de omnibus culpis, a me in eo commissis.

Facta tamen resignatione, in suo loco & ordine tandiu stabit, donec successor declaretur.

Si per obitum, aut promotionem Abbatis generalis, aut aliquod legitimum ejus impedimentum, electus fuerit Vicarius generalis, hic etiam ante electionem novi Abbatis generalis resignabit officium in haec verba:

Rev. Patres: In manibus vestris resigno & depono officium Vicarii Generalis, quod mihi indigno commissum est &c. Idem dicendum de Vicario Hegumeni.

10. Suffragiorum ordo est: Primus Abbas generalis, ad mensam accedens, suum suffragium in schedula scribat, nomine tantum electi expresso, hoc modo: Eligo Reverendum Patrem N. in Abbatem generalem nostri Ordinis. Tum schedulam propriis manibus complicit, atque in praeparatam arcam inciciat. Sequantur ordinatim singuli Hegumeni: postea Abbates Provinciarum & Monasteriorum, postremo reliqui Patres Vocales, habita semper ratione antiquitatis professionis.

Si quis Patrum indigeat opera scribae, hic suggestum ab illo nomen scribat in schedula, eamque plicatam ipsi reddat, in praedictam arcam ab eodem propria manu statim demittendam.

11. Post lata suffragia in locum suum unusquisque regrediarur; loca autem extra cancellos Altaris disposita erunt. Tum vero Abbas generalis solus cum quatuor Hegumenis, & duobus, a Patrum caetu ad cognoscenda suffragia electis, Sanctuarium ingressus, schedulas ex arca extrahat, mox numeret; & si Patrum numerum superent, aut minime aequent, electio non constabit, nec aperiendae erunt schedulae, sed continuo in vas aqua opplerum immittantur, & nova electio fiat. Si vero suffragiorum numerus bene constet, tunc Abbas generalis singulas schedulas coram

Hegumenis, & duobus suffragiorum Cognitoribus aperiat, nomenque electi altiori voce pronunciet, ut Monachi in Templo stantes audiant, & illud a Secretario in charta notetur.

12. Si pars suffragiorum supra dimidium Vocalium major convenire in electione reperitur, ea censetur facta: Sin autem in duas personas suffragia dividantur, his a ferendo suffragio exclusis, iteretur scrutinium. Si rursus aequalis pro utroque suffragiorum numerus constiterit, praesertendus prior tempore professionis, Sin autem professionis tempore aequales fuerint, aetas attendenda, & seniori juniori praeligatur.

13. Si vero suffragia in diversas personas distraherentur, itaut in neminem major Congregationis pars conveniat, secundo ac tertio scrutinium repetatur. Quod si etiam tunc nemo habeat majorem suffragiorum partem, contingat autem duos vel tres habere plura suffragia, ita ut singuli quartam saltem partem suffragiorum obtineant, per Abbatem generalem promulgentur his verbis.

Reverendus Pater NN. & Rev. Pater NN. habent plura suffragia, quam reliqui: Ex his igitur potestis unum eligere in Abbatem generalem totius Ordinis.

Tum illis, qui nominati sunt, exclusis, Vocales reliqui ad electionem modo supra dicto procedant, unum ex nominatis eligentes, in quem major pars suffragiorum convenit.

14. Finito Scrutinio, electus Abbas Generalis promulgetur a suo Praedecessore, vel si ipse in officio confirmatus fuerit, a primo Hegumenorum, his verbis:

Reverendi Patres: Facta suffragiorum collatione, invenimus, majorem partem Congregationis nostrae convenire in electione, Rev. Patris NN. Ideo nomine totius Congregationis nostrae, & potestate per vos omnes mihi concessa, pronuncio & declaro Rev. Patrem NN. electum fuisse, & esse nostrum omnium totiusque Ordinis Nostri Abbatem Generalem.

15. Facta electionis proclamatione, primus Hegumenus, aut dignior inter Vocales, intonat Psalmum xix. reliquis alternatim, prosequentibus: Exaudiat te Dominus in die tribulationis: Protegat te nomen Dei Jacob &c.

Interea Hegumeni ducunt Electum ad sedem, ad cornu sinistrum Altaris paratam, qui osculatur primum Altare, deinde sedet. Tum a digniori traditur ei liber Regulae & Constitutionum, ac sigillum officii: qui, retinens sigillum, tradit uni ex Vocalibus, ut legat Caput III. Partis III., quod est de praeminentia & officio Abbatis Generalis. Interim Fratres singuli iuxta ordinem suum, ad eum accedentes, genibus flexis manus ejus osculantur. Ipse vero tandiu in loco suo sedet, donec Hegumeni quatuor eligantur: nec e sede sua recedit, nisi cum suffragium proprium scripturus est, & in arcam missurus, & suffragia Monachorum, ut supra, cogniturus, electumque proclamaturus: quo statim proclamato ad sedem suam redibit.

16. Si

De resignatione officiorum.

Suffragiorum ordo.

De Scrutinio.

Publicatio electi.

De sequentibus electionem.